

Divendres,
20 de març de 2020



Auè,.....

**Escola
tancada**



ESCÒLES BARRADES TÀ ARTURAR ETH VIRUS



Com sabetz, es escòles seràn barrades fòrça dies e s'a demanat que toti es que poquen trabalhen des de casa. De hèt, s'a suspenuit tot cò qu'amassarà gent. Sonque s'a de gesser de casa entà crompar minjar, medicaments e productes de neteja, o tà passejar ath can.

Se non èm en contacte damb d'autes personas, i aurà mens gent que s'encomane eth coronavirus. Encara qu'entà fòrça personas pòt èster coma ua gripa fòrta, era gent d'edat o que ja ei malauta pòt acabar fòrça grèu se s'infècte. E se cada còp i a mès malauts grèus, es espitaus non poderàn assistir-les a toti.

Per açò, entà protegir as personas mès vulnerables, es autoritats e es científics mos an demanat que sigam responsables. Serà estranh e durarà fòrça dies, mès toti auem d'ajudar. Ath delà de posar-mos en casa, mos cau lauar soent e com cau es mans, non compartir vaishèra ne cantimplòres, e evitar eth contacte damb personas malautes que siguen en casa.



Perqué cau evitar tot cò qu'amassarà a gent? | Quines autes mesures mos cau préner en casa? | Qué haratz aquesti dies en casa?



Mès informacion: <http://bit.ly/2TZ2W36>

suspèner: cancel·lar, non hèr ua causa que s'auie de hèr.

encomanar-se: agarrar ua malautia en tot èster apròp d'ua persona malauta.

gripa: malautia que provòque afebliment deth còs, frèbe, mau de cap, tos e problèms tà respirar.

infectar: contaminar damb gèrmes

vulnerable: fèble, fragil.

responsabla: que hè es causes en tot pensar en ben de toti.



FELIP VI RENÓNCIE ARA ERÉNCIA DETH SÒN PAIR



Ditz en un comunicat que non acceptarà sòs d'origina dubtosa

Diuèrsi diaris e investigacions soslinhen que Joan Carles I, eth pair der actuau rei d'Espanha Felip VI, recebec comissions irregulars. Semble que crubèc sòs entà ajudar a hèr negòcis a bères empreses e dempús amaguèc aquesti sòs tà que non se sabesse que les auie.

Aguestes informacions an hèt que Felip VI age comunicat que non acceptarà coma eréncia sòs de sa pair que non sigue clar que son legaus. Ath delà, assegure que non sabie qu'existissen. Felip VI ditz qu'actue atau d'acòrd damb aquerò que prometec quan siguec rei: qu'actuarie de forma leiau e transparenta. Tanben a retirat a sa pair era assignacion qu'auie.

Es avocats an explicat que, d'acòrd damb es leis, sonque se pòt renonciar a ua eréncia quan se recep, ei a díder, que Felip VI sonque poderà renonciar-i quan Joan Carles sigue mòrt. Per aquerò, aquest comunicat non a cap d'efècte reau. De totes formes, òc que permet qu'eth rei explique as ciutadans qué harà quan arribe eth moment.



Perqué s'investigue d'a on provien uns sòs de Joan Carles I? | Qué a decidit Felip VI quan s'a sabut era notícia qu'afècte ath sòn pair? | Perqué dideries qu'es reis e reines sòlen èster preocupadi per dar ua bona imatge?

renonciar: refusar ua causa aufrida.

eréncia: aquerò qu'ua persona recep de ua auta persona qu'a mòrt.

comunicat: nòta cuerta tà comunicar quauquarren.

assignacion: quantitat de sòs que se dan a quauquarres.



VOCABULARI



ENSAG CLINIC TÀ TRACTAR ETH CORONAVIRUS

Hè pòqui dies comencèc en Catalonha

tractament:

aquerò que se hè entà guarir o mi-lhorar er estat d'un malaut.

ensag clinic:

pròva tà estudiar un tractament tà ua malautia e observar-ne es resultats enes malauts.

desvolopar: hèr mès grana o mès importanta ua causa.

complementari:

que se complemente o hig.

Per tot eth mon se hèn estudis tà saber com fonce aguest virus e trobar-i un tractament. En Catalonha eth Govèrn a començat un ensag clinic entà trobar un medicament qu'ajude a tractar eth coronavirus. Demoren auer es resultats a prumèrs d'abriu, segontes a explicat eth mètge investigador de malauties infeccioses Oriol Mitjà, que participe en estudi.

Er ensag a de servir tà trobar un medicament retrovirau, ei a díder, que frene era malautia as persones ja contagiades, e un aute medicament tà qu'es contactes que son apròp non la desenvolopen. Atau, s'artenherie ua forma de barrar eth pas ath virus.

I a tres manères complementàries d'arturar eth coronavirus: damb un tractament coma çò que s'estúdie en Catalonha, damb ua vacuna que tardarà fòrça temps en hèr-se (ja i trabalhen diuersi laboratòris) e, eth darrèr, en tot evitar qu'es persones se transmeten era malautia, ei a díder, posant-se toti en casa.



Qué s'estúdie en Catalonha entà tractar eth coronavirus? | De quines manères se pòt frenar era infeccion? | Com cres que se hè un ensag clinic?



▲ Era conselheira de Salut, Alba Vergés, presente er ensag clinic



COM SE PRONÓNCIE 'SABADELL' EN CASTELHAN?



Era RAE recep critiques pera opcion qu'aconselhe

puntuar: méter en uns escrits signes coma era virgula, eth punt, es dus punts, eth punt e virgula, etc.

consulta: hèt de demanar era opinion de quauquarés sus un ahèr dubtós.

adaptar: ajustar o encaishar ua causa en ua auta.


argumentar: dar es motius que justifiquen ua opinion.

castelhanoparlant: persona qu'a eth castelhan coma lengua principau.

Era Reau Acadèmia Espanhòla (RAE) ei qui met es normes sus eth castelhan. Decidís com s'an d'escriuer es paraules, quines an d'aparéisher en diccionari, com mos cau puntuar o com s'a de prononciar eth castelhan, per exemple.

Hè quauqui dies, era RAE recebec ua consulta sus com s'a de prononciar eth son finau de paraules coma Sabadell se se parlaue en castelhan. Era RAE responec que, coma qu'eth castelhan non a aguest son a fin de paraula, s'aurie de prononciar coma ua èla, coma se s'escriuesse Sabadel. Açò hec que recebesse fòrça critiques, mès tanben supòrts.

Per ua part, es que defenen aguesta recomanacion expliquen que totes es lengües adapten ara sua prononciacion es sons que non les son pròpris. Atau donc, la tròben logica. Per auta, tanben s'argumente que i a castelhanoparlants que pòden prononciar eth son dera grafia lh pr'amor que tanben saben catalan. E, fin finau, i a expèrts que defenen que s'a de prononciar coma ua i, qu'ei un son mès semblant ar originau catalan.



▲ Diccionari dera lengua espanhòla



Quina consulta adreçada ara RAE a l'heuat polemica? | Quini arguments i a a favor dera recomanacion dera RAE e en contra? Cres qu'ei importanta aguesta decision? Perqué?




ISTÒRIES SOLIDÀRIES EN DIES COMPLICADI

Aquesti dies d'èster embarradi en casa son complicadi. Mès tanben se coneishen istòries de gent que vò dar un còp de man. Per exemple, fòrça comerciants chineses an anat tàs espitaus o tara policia tà dar de franc mascaretas, gèl desinfectant o bates qu'auien enes magasins.

Bèri mètgés s'an aufrut a atier enes consultes per internet. E fòrça vesins ajuden ara gent vieilha der edifici: van tath supermercat o tara farmàcia per eri tà que non agen de gèsser. Tanben n'i a que susvelhen as hilhs des persones que trabalhen en un espitau, qu'aquesti dies i an de passar un arramat d'òres.

A mès, bèri artistes tanben an volut meter-i eth sòn graet de sable. A trauès d'internet, an hèt petiti concèrts e an premanit petites òbres de teatre. Per exemple, era soprano Begoña Alberdi ges cada ser ua estona a cantar opèra en balcon de casa.

? Quini materiaus an regalat fòrça comerciants chineses? | Quines son es prepauses de quauqui artistes entà hèr era estada en casa mès distrèta? | Perqué penses que i a gent qu'actue de forma solidària?



▲ Era soprano Begoña Alberdi cante des dera hièstra de casa. Fòto: Elisenda Pons

dar un còp de man: ajudar.

comerciant: persona qu'a un comèrç.

de franc: gratis.

desinfectant: que servís tà desinfectar, tà lavar a hons.

méter un graet de sable: aufrir ua petita ajuda.



ER ESPÒRT, ARTURAT

Pendent dera evolucion deth coronavirus

A causa dera quarantea decretada entà lutar contra era propagacion deth coronavirus, fòrça competicions esportives an estat suspèndes. Segontes com evolucione era situacion, se cercaràn es mesures que cau préner entà acabar aguesta sason.

En çò que hè ath fotbòl, era UEFA a posposat era EURO 2020 des de darrèrs de març enquia junh e junhsèga, e era Eurocopa se jogarà en 2021. Aquestes mesures permeteràn as ligues nacionaus acabar es sòns campionats dempús deth coronavirus. Tanben s'an cancellat era Champions League, era Europe League e era Copa deth Rei, entre d'aites.

Mès eth fotbòl non ei er unic espòrt afectat: s'an suspèndut tot tipe de competicions de basquetbòl, rugbi, Formula 1, esquí, gòlf, handbòl, etc. Era afectacion pòirie arribar tanben as Jòcs Olímpics de Tòquio 2020, que s'an de celebrar deth 24 de junhsèga ath 9 d'agost. En Grècia s'auie ja començat un recorrut dera halha olimpica pes lòcs istorics des Olimpiades, mès s'a cancellat entà evitar era preséncia massiva de public. Calerà demorar entà saber s'es Jòcs de Tòquio se poderàn amiar a tèrme en calendari previst.

? Perqué a posposat era UEFA era Euro 2020 e era Eurocopa? | S'an cancellat es Jòcs Olímpics de Tòquio 2020? | Cres que cambiarà quauquarren dempús dera quarantea? Quina o quines?



▲ Sedença dera UEFA en Nyon, Soïsa

decretar: ordenar per decret, qu'ei un tipe de lei.

propagar: estèner, escampilhar

massiu: multitudinari, qu'amasse fòrça gent.



JUGUEM!

Per pintar




Cerca les operacions

Encercla, com en la mostra, 18 operacions de suma o resta que trobis d'esquerra a dreta i de dalt a baix.

4	8	6	7	2	5	9	4
8	9	1	10	12	7	5	15
12	6	3	3	5	12	10	9
8	11	4	7	4	6	1	6
5	1	9	10	3	6	9	4
5	3	5	8	7	8	3	8
10	10	1	9	10	5	5	12
10	9	1	6	6	9	6	15

Laberint

Quin camí ha de seguir l'esquirol per arribar als aglans?



Per associació

Uneix la paraula de l'esquerra amb la que més relació tingui de les de la dreta. Després, escriu una frase amb totes dues paraules.

- | | | | |
|------------------|-----------------------------|-------------------|------------------------------|
| 1. <u>llibre</u> | aigua
conte
agulla | 2. <u>joquina</u> | fusta
enciam
nenes |
| 3. <u>colla</u> | platja
sindria
gent | 4. <u>mestra</u> | carretera
eines
escola |
| 5. <u>plat</u> | fulla
pollastre
mitjó | 6. <u>mar</u> | motxilla
llençol
gamba |

1.

2.

3.

4.

5.

6.



Aprenentatge significatiu i vivencial



Una publicació de:

Tracte Comunicació Global
Passeig Bertrand, 25, 2a
08980 Sant Feliu de Llobregat (BCN)
Tel. 619 787 788 - 93 782 45 13
eltricicle.cat
eltricicle@eltricicle.cat



Setmanari per a nens i nenes

Una publicació de:

Tracte Comunicació Global
Passeig Bertrand, 25, 2a
08980 Sant Feliu de Llobregat (BCN)
Tel. 619 787 788 - 93 782 45 13
eltricycle.cat
eltricycle@eltricycle.cat



SOLUCIONS N. 161

Per pintar




Cerca les operacions

Encercla, com en la mostra, 18 operacions de suma o resta que trobis d'esquerra a dreta i de dalt a baix.

4	8	6	7 - 2 = 5	9	4
+					
8	9 + 1 = 10	12 - 7 = 5		15	
=					
12	6 - 3 = 3	5	12	10	9
			-	-	=
8	11 - 4 = 7	4	6	1	6
		+	=	=	
5	1 + 9 = 10	3	6	9	4
+		=			+
5	3 + 5 = 8	7	8	3	8
=					=
10	10 - 1 = 9	10 - 5 = 5			12
10 - 9 = 1	6	6	9 + 6 = 15		

Laberint

Quin camí ha de seguir l'esquirol per arribar als aglans?



Per associació

Uneix la paraula de l'esquerra amb la que més relació tingui de les de la dreta. Després, escriu una frase amb totes dues paraules.

- | | | | |
|------------------|-----------------------------|-------------------|------------------------------|
| 1. <u>llibre</u> | aigua
conte
agulla | 2. <u>joguina</u> | fusta
enciam
nenes |
| 3. <u>colla</u> | platja
sindria
gent | 4. <u>mestra</u> | carretera
eines
escola |
| 5. <u>plat</u> | fulla
pollastre
mitjó | 6. <u>mar</u> | motxilla
llençol
gamba |

-
-
-
-
-
-